

Einer Christlichen

Ordination/form vnd weis

se / vnd was darzu
gehörig.

Durch Erasmus Sarcerium /

Superintendenten der löblichen

Graffschafft Mans

feld/beschrie

ben. Des

jars.



M. D. LIII.

Seiner Excellenz

Exzellenz

Seiner Excellenz

Seiner Excellenz

Seiner Excellenz

Seiner Excellenz

Seiner Excellenz

Seiner Excellenz

Seiner Excellenz

Seiner Excellenz



Seiner Excellenz

Form vnd Weise

einer Christlichen Ordina-

tion/vnd was darzu
gehörig.



Wiewol viel vrsachen
sein / darumb die Consistoria
oder Geistlichen Gerichte ver-
ordnet vnd eingesetzt. So ist
doch die Ordination der Kir-
chendiener nicht die geringste.

Vnd ist auch billich / von wegen der hoheit vnd
würdigkeit des Kirchenampts / das man die Or-
dination statlich halte / vnd nicht einem jeden Pas-
stor zu ordinieren / gestatte. Wiewol es in der not
ein ander ding ist / wie denn auch fur zeiten die
Presbyteri in abwesen der Bischoffe / in Eryp-
ten ordineret haben. Vnd ist solchs auch bey vn-
sern zeiten / im anfang des Euangelij offte gesche-
hen. Vnd dieweil denn auch ein statlich Examen
zur Ordination gehöret / vnd andere nötige ding
mehr / Darumb ist es billich / das die Ordination
der Kirchendiener von den Consistorijs geschehe /
da man denn Lente hat / so diese ding recht ver-
walten können. Doch wo die Consistoria etwa zu
ferne entlegen / vnd die Superintendenten neben
sich gelehrte Menner haben / mag auch inen die
Priesterliche Ordination befohlen / vnd zu gelas-
sen werden. Tu ist nicht so viel daran gelegen wer

Form vnd weise

da ordiniere / wenn allein die Ordination gehalten wird / wie folget.

Man sol aber in keinem wege gestarten / das vnberuffene / vnuerhörte / vnd vnordinirte / sich selbst in Kirchenempeer eindringen. Denn auch die Schrift den ordenlichen beruff bestetiget / vñ den vnordenlichen oder das eindringen verdammet. So haben auch die Apostel (wie in iren Geschichten zu sehen) zum zeichen der Ordination / vnd confirmation der Kirchendiener / das hand aufflegen gebrauchet. Item / so spricht das Concilium Nicenum / halbe nach der Apostel zeiten gehalten. Das die Kirche welen sol / vnd sol der Bischoff zur wahl gezogen werde. Vnd gehöret diese lere von der Ordination / in den Artickel Christlichs glaubens / Ich glaube eine heilige vnd gemeine Kirche.

Bey dieser Ordination aber / sollen die jenigen so das ius patronatus haben / das ist / die gewalt von der Kirchen / Pastores vnd Seelsorger zu forderen / das sie Gott fürchtige vnd tüchtige Menner / (so viel inen inmer möglich) suchen vnd presentiren die denn weiter den Consistorijs zu ordinieren sollen vberschicket werden / die mit offentlichen lastern nicht beladen sein / die Christliche Lere zimlich gelernet haben / die reine Lere des Euangelij bekennen / vnd die keiner falschen lere verdecktig sein / der rechten vñ waren Kirchen einigkeit hier mit zutrennen / die nicht zentisch vnd haderisch sein / auch nicht lust vnd liebe haben / Secten vnd spaltungen anzurichten.

Sum

einer Ordination.

Zum andern / so sol Keiner ordiniret werden /
er hab denn seine gewisse Vocation vnd Kirchen
ampt / darauff er ordiniret werde. Niemit zuuer
hüten / auff das das Kirchenampt nicht in verach
tung kome / vnd das man keine Landstreicher ma
che / die im Lande hin vnd wider lauffen / vnd iren
dienst der Kirchen anbieten / öne beruff / vnd her
nach allerley vnrat anrichten. Welchs denn auch
die alten Concilia verbotten haben / vnd zubalten
mit ernst befohlen. Vnd von solcher gewisser Vo
cation vnd Kirchenampt / sollen die jenigen / so
zu ordinieren presentiret / zeugnis brieffe mit sich
bringen / von denen / die sie presentieren / vnd von
den Superintendenten / darunter sie wonen sol
len.

Zum dritten / so sollen die Ordinandi zeugnis
brieffe mit sich bringen / von irer lere / vnd von ih
rem leben / wie sie sich an denen orten vnd stedten
gehalten / da sie zuuor gewonet. Damit man nicht
lose Leute / zu den Kirchenempthern komen lasse /
wie ich denn weis / das an einem orte geschehen /
das einer zum Pfarrherren ist angenommen wor
den / vnd da man endlich solte zusehen / da hette er
keine ohren / sondern dieselbige am Pranger be
leben lassen. So ist auch noch am tage / wie vnge
schickte / ja vnflätige Leute / im Bapsthumb zum
offtermal sein zu Pastorn vnd Kirchendienern
aufgenommen worden / darnon man hernach nich
tes denn er gernis / bon / vnd spott gehabe har.

Zum vierden / so nu einer beide seine zeugnisse
von seinem beruff vnd stedte / vnd von seiner Lere

Form vnd weise

handel vnd wandel eingelegt hat / sol er als denn
weiter von den Consistorijs ordentlich vnd sietig-
lich verhört vnd examinirt werden / nicht allein
darumb / das man wisse / was ein jeder in Religio-
ns sachen verstehe / sondern auch hieumb / das
man die gleichheit der Lere erkenne / vnd das man
von gleicher lere die vnuerstendigen vnterweisen
vnd berichten möge. Derhalben sein diese Exami-
na nicht verordenet / das die Examinatores ire
Kunst / an den Examinandis beweisen sollen / son-
dern diese viel mehr in rechter Religion zu lernen.
Damit aber die Examinandi ordentlich vñ recht
antworten können / auff alle Artikel / die man ih-
nen vorhelt / so müssen sie auch die Examinatores
ordentlich vnd recht fragen. Hierzu aber ist keine
bessere form vnd weise / denn das man sie sein Me-
thodice frage / als Exempels weise vom Glaubē /
was der sey / vnd wie er sol beschrieben werden /
woher er come vnd entspringe / was seine objecta
vñ gegen dingē sein / so der glaube er greiffen mus
zur gerechtigkeit vnd zum ewigen leben / ob solcher
glaube einerley oder mancherley sey / was er thue
vnd wircke / worzu er nütze vnd gut sey / was am
Glauben nechst hange / das ist / was seine res cog-
nata sein / vnd endlich was diesem Methodo vnd
ordentlicher lere vom Glauben / zu wider lauffe /
vnd wie man solchs widerlegen vnd widerfechten
sol / vnd hierinnen alle schalckheit vnd reuscherey
erkennen vnd meiden. Vnd ist nichts gethan / das
man also in das felt fraget / balde von diesem / bal-
de von jenem / szundes von Appeln / vnd balde
hernach

einer Ordination.

hernach von Birnen. Denn solch Examen / ist beides dem der da fraget / vnd dem der gefragt wird / beschwerlich. Ich las mir auch sehr wol gefallen / das die Examina der Ordinanden in dem Consistorijs offentlich geschehen / damit ander leute zu hören / vnd etwas lernen mögen / wie sie heutz oder morgen / wo sie examiniret / antworten sollē.

Diweil auch viel formen vnd weisen sein zu examinieren / so lassē ich mir doch diese fur allen andern gefallen / die Herr Philippus Melancthon in der Meckelburgischen Kirchenordnung / hat lassen in Druck ausgehen.

Nu aber zum fünfften / ist auch das alcer derer zubetrachtē / die da sollen ordiniret werden. Denn wo sie zu ghar jung / so haben sie weder autoritet noch ansehen / derhalben das Ampt der Kirchen von iret wegen in verachtung kömpt. Ich wil geschweigen / das junge Leute auffgeblasen sein / vnd sich selbst noch nicht regieren können / was solten sie denn die Kirche regieren. Ich wil auch hier nichts sagen von dem grossen vnd schrecklichen ergernis / das etwa junge Leute mit lere vnd leben geben / in dem sie vnterweilen der Lere noch nicht gewis sein / vñ ein rochlos leben führen. So kömpt ja witz (wie man sagt) fur den jaren nicht. Item / las ich mir auch gar nicht gefallen / das außserhalb der not / Weber / Schneider / vnd andere Handwercker / die jr lebenlang kein latein gulernt / das die ordiniret werden. Daher denn abermals verachtung des Kirchenampts entstehet / vnd zum offtermal sehr gros ergernis. Nu darff man one
nos

Form vnd weise

not das Kirchenamt in verachtung nicht fürē/
es wird bereit gnug verachtet. Aber es gehet zu
des an erlichen orten also zu / das vnwürdige vnd
vnträchtige Personen zum Kirchendiensten beför
dert vnd beruffen werden / vnd würdige vnd träch
tliche Personen bleiben hinder der thür stehen. Ich
weis nicht wie es zu gehet: Ich kenne viel feiner vñ
gelerter Magister / die können nirgend zu keinen
Kirchendiensten gelangen / vnd leiden hierüber
hunger vnd kummer. Aber Weber / vnd junge Rog
löffel / haben die besten Pfarren inne. Dieser man
gel ist vorhanden / er verursache sich auch her / wo
her er wolle.

Zum sechsten / wo nu nach dem Examen einer
vnträchtig befunden wird / oder also strefflich in le
re vnd leben / das es in der eyle nicht zu bessern /
der sol zu der Ordination nicht zugelassen wer
de. Vnd ist hier nichts gethan / das man wil barm
herzig sein / da man nicht barmherzig sein soll.
Denn was ist das für eine barmherzigkeit / die da
dienet zur ver hinderung des Reichs Christi / vnd
zum ergernts der Kirchen: Doch ist es billich / das
man mit denen / so man nicht zu der Ordination
zulest / sitziglich vnd freundlich handel / vnd in
der Ordination halben nichts abschlage / wo sie
sich bessern werden / vnd ein ander mal wider Kom
men. Ist aber keine hoffnung der besserung da / so
kan man nicht besser / man weise sie gar ab / vnd
vermane sie zu andern Stenden. Denn ob gleich
hierinnen etwas gesündiger würde / so ist es leid
licher / denn das man sündige im andern teil.

Zum

einer Ordination.

Zum siebenden / so aber einer für rüchrig geachtet / sol er vermanet werden / das er fürnemlich die se zwey ding bedencken wolle / Nemlich / das dis Ampt ein dienst sey / darinnen der HERR Christus selbst wircke / vnd damit eine ewige Kirche samle / vnd das Menschliche weisheit vnd krafft / dar zu nicht gnugsam sey. Sondern wie Paulus spriche in der 2. zum Corinth. am 3. Capitel / Das wir rüchrig sein / das ist von Gott. Dabey aber fordert Gott gleichwol / das wir trewe Diener sein. Wie auch der Apostel sagt / Das wird erfordert in einem Diener / das er trewe sey. Nu begreiffst trewe erstlich das wir die Lere recht lernen. Denn der Arzte der seine Kunst nicht kan / ist nicht trewe / sondern ein Betrieger / so er sich der Kunst rühmet. Zum andern ist trewe / das wir in rechter Lere bestendig sein. Zum dritten / das wir im dienste vleissig sein / der Kirchen nach gewöhnlicher zeit war ten 7c. Vnd sonst züchriglich vnd erbar leben.

Nach dieser vermanung / sol eine Christliche zusage von den Ordinanden genommen werde / nemlich / das sie in diesem heiligen Ampt / mit Gottes fürcht / glauben / vnd anruffung zu Gott / dienen / vnd das sie züchrig lebē / vnd vleissig arbeiten wollen. Item / das sie in der reinen Christlichen Lere / so sie in diesem verhöre des Examinis bekand haben / vnd die durch Gottes gnade / in diesen Kirchen eintrechriglich geprediget wird / mit Gottes hülffe bestendig bleiben wolle / vnd im ampt trewe vnd vleissig sein. Vnd das sollen die Ordinandi mit ihrem ja oder Reuers bestetigen. Sie wollen

B

durch

Form vnd weise

durch Gottes gnade / dieses treulich thun vnd halten.

Formular des Reuers sol hernach
gesetzt werden.

Zum achten / so ist es fein / das man eine gewisse zeit des Examinis vnd der Ordination halte / vnd die selbige durch den Druck nambaffrig mache / damit die Ordinandi nicht vmb sonst komen / sondern wissen / wenn sie komen sollen. Vnd düncket mich / damit die Ordinatio desto statlicher gehalten würde / vnd ein grössers ansehen hette / das man den ersten tag eines jeden Monats das Examen hielte / vnd den folgenden tag die Ordination. Oder wie man sich sonst eines tages in einem jeden Monat vergleichen köndte / allein das eine gewisse vnd bestimpte zeit ausdrücklich benennet würde. Wo aber ja in des / Ordinanden komen / vnd es die not erfordert / kan man den selbigen zu aller zeit helfen / voraus auff die Sonntage nach der Predigte.

Zum neunenden / ist es billich vnd recht / das die Patroni den Ordinanden / so sie zu ordinieren vber senden / zerunge vnd vnkosten geben / oder wo sich diese beschweren / das solche zerunge vnd vnkosten / von der Kirchen einkomen vnd vortath genommen werde. Vnd dieweil sichs auch begibet / das etwa Ordinandi ankomen / dienoch guts vñ langes beriches bedürffen / so were es gut vnd nützlich / das man denselbigen auff einen Monat zerunge gebe / das sie auff den Vniuersiteten in des gnugsamen bericht entspiengen.

Zum

einer Ordination.

Zum zehenden / sol man auch nicht vnterlassen /
im Examine vnd vor der Ordination / die Ordina-
nanden zu fragen / ob sie auch singen könnē. Item
von der form vnd weise Kinder zu teuffen / vnd
das Nachemal des HERRN zu halten. Item / was
sie für eine form vnd weise gebrauchen wollen in
der Beicht / vnd bey der Absolution. Item / was
sie für form vnd weise haben die Krancken zu eröf-
fen ꝛc.

Vonetlichen sellen / die sich bey
vnd vmb den Tauff zugetragen / dafür
man die Ordinanden
warnen soll.

Das der Tauff gleichwol recht vnd
gang sey / Gott gebe die Personen die in
handreichen / oder die andern die dabey sein / sie
sein tüchtig / oder nicht tüchtig.

Item / das der Tauff / kein rechter Tauff sey /
ob man gleich die wort von der form des Tauffes
hierzu gebraucher / Ich teuffe dich / Im Namen
des Vaters ꝛc. Wo auch nicht zugleich das Was-
ser darzu gebraucher wird.

Item / das die Pastores die leute vermanen sol-
len / das sie nicht leichtlich zu der Nothauffeylen
sollen.

Item / das der Nothauff recht ist / er geschehe
von Männern oder Weibern / da man die Kinder
mit Wasser teuffet / im Namen des Vaters / vnd
des Sons / vnd des heiligen Geistes.

Form vnd weise

Item/das man die Kinder/sonortauffet/nicht sol widerumb teuffen. Im falle aber/das die leute aus schrecken etwa nicht wissen/oder zweiffeln/ob das Kind nach der form vnd weise vom HERRN eingesetzt/getauffet sey (wie sichs denn in solcher not vnd schrecken/offte zutregt)so sol mans teuffen.

Item/das man die getauften Kinder von Papiſten vnd Ketzern nicht sol widerumb teuffen.

Item/das der Tauff/so ein mal recht geschehen/nicht sol widerholet werden an den getauften.

Item/das die Kinder/so noch nicht völliſch geboren/vnd noch zum teil in Mutter leibe hangen/zum teil aber mit etlichen gliedern erſcheinen/nicht ſollen getauffet werden. Denn es mag niemand durch den Tauff zur geiſtlichen Widergeburt widergeboren werden/der noch nicht auff die welt geboren iſt. Vnd wie der heilige Auguſtinus ſagt ad Dardanum, Es kan der nicht wider geboren werden/der noch nicht geboren iſt: Item/Iſidorus ſpricht/de Conſecratione, Diſt. 4. C. Qui in maternis &c. Die Kinder ſo noch ſein in den leiben der Mütter/die können darumb mit den Müttern nicht getauffet werden. Denn die noch nicht nach dem Adam geboren ſein/die mögen nach Chriſto nicht widerumb geboren werden. Denn von dem kan nicht geſagt werden/das er widerumb geboren iſt/der noch nicht iſt auff die Welt geboren.

Item/das man die Kinder mit dem Tauff nicht ſol auffziehen/zum zehenden oder zwelfften iare/bis ſie

einer Ordination.

bis sie Gottes wort hören können / vnd etlicher
massen verstendig sein / nach form vnd weise der
Widerreuffer.

Item / das man vleissig acht gebe auff die schwa-
chen Kinder / das sie mit dem Tauffe nicht verseu-
met werden.

Item / sol man verachtet Göttlichs worts vnd
der Sacramente / nicht lassen zu genattern bey
dem Tauffe stehen. Des gleichen auch keine ver-
stockte Papisten / die vnserer Lere vnd Sacramen-
ten / zuwider sein. Auch diese nicht / so in öffentli-
chen Sünden vnd Lastern leben / vnd dencken sich
nicht zu bessern.

Von etlichen fellen / die sich des Sacraments des Altars halben / bey den gefunden vnd Kran- cken zutragen.

SA E man zu gahr junge Kinder
nicht lasse zum Sacrament gehen / daher
denn allerley vnrathe / von wegen ihrer Kindischeit
sich zutragen kan.

Item / ob ein Kirchendiener / das hochwirdige
Sacrament zu consecriren angefangen / vnd wür-
de schwach bey dem Altar (wie ich denn gesehen)
so sol ein ander Diener das angefangene / prosequi-
ren vnd vollendigen.

Item / ob sichs zutrüge / das eine fliege in dem
Kelch fiel / nach der Consecration, sol man sie mit ei-

Form vnd weise

nem Messer heraus beben / gleichwol aber das Blut des HERRN nicht hinweg schütten.

Item / wo eine Spinne in den Kelch fiel / nach der Consecration, halten etliche / man sol dasselbige in ein fließend Wasser / oder auff ein brennend Feuer schütten. Ich achte aber / wo man die Spinne mit einem Messer heraus hübe / der HERR würde gleichwol sein Blut den Leuten zum besten gedeihen lassen.

Item / so eine Ostia oder der mehr / nach der Consecration, auff die Erden fielen / sol man sie mit aller ehrerbietung widerumb auffheben / vñ gleich wol gebrauchen.

Item / wo etwas aus dem Kelch nach der Consecration, verschüttet würde / lass ich mir gefallen / das man die Erde / darauff es gefallen / wo es geschehen kan / aufftrage / vnd verbrenne. Wo aber steine sein / da mans nicht aufftragen mag / das man als denn auff die selbige stette / ein kleines Feuerlein mache / vnd hernach zusammen kere / vnd in ein fließend Wasser schütte.

Item / sol man niemand das Sacrament gebē / der nicht zuuorn seinen Glauben bekennet / oder der den vnterricht / der da Christlich ist / vom Sacrament / vnd Christlichem glauben annemen wil. Bey solchen Leuten mag mans wol versuchen / ob man sie mit guten worten / auff den rechten weg führen köndte. Wo aber solchs nicht wil helfen / sol man sie liegen lassen. Denn vnser HERR Christus verbeit es hart / das man die Berlein nicht sol für die Sewe werffen / sondern die so Christlichen vnterricht

einer Ordination.

terricht vnd vermanung nicht wollen annemen / als Heiden gehen vnd faren lassen.

Item / sol kein Kirchendiener das Sacrament vnter einerley gestalt (wie mans nennet) allein reichen. Sondern er solte ehe leute on das Sacrament lassen hin sterbē / ehe mans inen anders wolte reichen / denn es Christus eingesetzt / vnd die Apostel in iren Kirchen gehalten habē. Denn das wil sonderlich den Kirchendienern gebühren / das sie sich in diesem vnd anderem / allein nach dem befehl vnser HERRN Christi halten / vnd keine vnnötige enderung furnemen.

Item / ist auch hierauff acht zugeben / das sich etwa begibt / das etliche allein die Ostien / den leib des HERRN / im zugehen bey dem Altar empfahē / vñ nemen den Kelch des HERRN nicht. Solchs habe ich selbst gesehen.

Item / wenn eine Person Franchheit halben / oder sonst von Natur keinen Wein möchte einnehmen / vnd doch das Abendmal des HERRN von herten begerete. Vnd sonderlich an der Christlichen erkennenis keinen mangel befunden würde. Daran eben etliche / das man nach den Worten des Abendmals / vom Kelch ein tröpflein oder zwey / in ein wenig wasser las fallen / vnd es hernach dem Communicirenden reichte. Solche leute aber können auch ohne nachteil / des Abendmals gar gerathen / vnd sich an das Wort / vnd die Geistliche niessung halten / sintemal sie ihrer Natur halb gehindert werden / das sie es nicht ganz / wie es Christus befohlen / genießen können.

Item /

Form vnd weise

Item/finder man vnterweilen/rohe vnd Gottlose leute / die ein lange zeit sich vom Sacrament enthalten / vnd auch zu keiner Predigte komen sein / vielleicht auch weder das Väter vnser / Glauben / noch Zehen gebot können. Solche leute so sie in der Franchheit des Sacraments begeren / sol man sierrstlich durchs Wort / irer sünden halben / mit ernst vermanen / vnd sie dahin bringen / das sie dieselbige erkennen / rewe vnd leid darüber haben. Darnach sol man sie vleissig vom Abendmal berichten. Vnd als denn so sie es begeren / on allen verzug / ihrem begeren nach volziehunge thun. Denn zu welcher stunde sich der Sünder erkennet / vnd gnade begeret / so wil ihn Christus auff vnd annemen. Solchs sollen die Kirchendiener auch thun / wollen sie anders irem ampte gnug thun.

Item / wo leute in offentlichen lastern ligen / vñ dieselbige auch dazumal in irer Franchheit nicht offentlich mit rewe vnd leid bekennen vnd abstellen wollen (Als wo offentlicher Ehebruch / Hurey / neid / hafs / vnd dergleichen ist) Wo solche Personen nicht im sinne haben / noch offentlich zusagen wollen / solchs nimer zuehuen / sol jnen das Sacrament in keinem wege gereicht werden.

Item / treget sich zu / das die leute etwa des Sacraments nicht genieffen / oder nicht behalten können. Da mag man mit dem Wort deste vleissiger anhalten / vnterrichten vnd trösten / bis der vnwil sich setzet / vnd sie es genieffen können.

Item begibe es sich / dz die leute auch etwa schon in den zügen ligē / oder nicht mehr bey vernunft /
wenn

einer Ordination.

wenn die Kirchendiener zu jnen gefordert werde/
da mag man mit ernste für solche Got bitten/ das
er jnen ire sünde vergeben/ vnd sie durch Christum
selig machen wolle. Das Sacrament aber / sol
man jnen nicht reichen/ dieweil es dermassen mit
jnen stehet. Sonderlich wenn es die zeit ires lebens
rohe leute gewest/ die sich des Worts nicht viel an-
genommen haben. Doch sol mans an vleissigem gebe-
te nicht mangeln lassen / ob man sie erretten vnd
erbitten köndte.

Item / erget sich zu (wiewol seldom) das den
Franken das consecrirte Sacrament im maul auff
der zungen beligen bleibet / vnd jnen darüber der
Geist ausgehet/ vnd sterben/ ehe sie es hinab brin-
gen. In solchem fall hab ich gelerter Leute rath
gesehen/ vnd anderer die es auch mit der that ge-
than / das mans verbrennen sol / vnd verbrande
hat.

Item / rathe ich/ man sol die Ostien her an-
nemen/ vnd sol sie der Diener gebrauchen. Das ist
aber vielleicht nicht einem jeden gelegen / von we-
gen des eckels / welcher einem mehr / als dem an-
dern anhanget.

Item / ist mir selbst widerfarē / das ein Erbars
Weib / aus anregung böser Leute (so zunorn das
Sacrament vnter zweierley gestald / nach einse-
zung der ordenung Christi / entpfangen hatte)
hernach widerumb in einerley gestald zu sich geno-
men. Vnd da sie nu der Teufel derhalben zum beff-
rigsten ansachte / ist sie zu mir komen / mit grossen
heulen vnd weinē / vnd ire not geklage. Da hab ich
C sie

Form vnd weise

sie getröstet / Gottes gnade vnd barmhertzigkeit
 vber ire sünde erhaben / sie zu erkenntnis irer sünden
 vermanet / zur reue vnd leid angehalten / vnd zum
 festen glauben an Ihesum Christum / vnd endlich
 auff ir bekenntnis die Absolution irer sünden ge-
 sprochen / mit anhaltung zu einem neuen Leben /
 vnd das sie sich fur gemelter sünde weiter vorsehe.
 Vnd zu mehrer sterckung vnd versicherung ires
 glaubens / ir zugesagt / das Sacrament nach der
 einsetzung Christi folgenden tages zu handreich-
 en. Da ich nu den andern tag kam / vnd sie vns
 terriechete von der nottwendigen lere / zum hoch-
 würdigen Sacrament gehörig / vnd ire bekenntnis
 hiervon offentlich vernam / hab ich angefangen zu
 consecriren / vnd ir den leib des HERRN gereicher.
 Da hat sie von stunden an mit zimlicher lauter
 stimme geschrieen / O lieber Gott er keret die beis-
 ne vber sich / vnd sich dermassen geberet / als wolte
 sie denselbigen gerne wider heraus geben. Mir
 ward angst / hub sie an zu trösten / sie solte sich des
 nicht irren lassen / es weren ansechtunge des Teu-
 fels. Darauff sie geantwortet / O lieber Gott / ich
 sol es nicht mehr entpfangen / Gott wils nicht ha-
 ben / ich werde es auch nicht mehr entpfangen. Dis
 alles hab ich ir mit tröstunge abgelegt / vnd mich
 nichts irren lassen / Sondern in festem glauben /
 dem Teufel zu troge foregefahren / vnd ir das blut
 des HERRN vbergeten. Doch haben sich die ansech-
 tungen etwa wideramb gestillet. Aber gleichwol
 ist die gute Fraw noch fur vn fur Kleinmütig / vnd
 von hertzen betrübet / vnd leß sich bey ir wenig bes-
 serung

einer Ordination.

serung spüren. Wiewol sie vnter weilen wol zu friden ist/ vnd schöne bekenntnis thut/ aber es wendet sich balde. Gott helffe jr vmb seines lieben Sohns Ihesu Christi willen.

Das Exempel sollen vnd mögen/wol mercken/ die da vermeinen das nicht viel daran gelegen/ ob man nach gelegenheit der Personen/ orte vnd stette/zeit vnd stunden/des hochwirdigen Sacraments des Altars / vnter einer oder zweierley gestalt gebrauchen.

Item / von den Stummen vnd Tauben / hab ich geleerte leute hören schließen/ wo solche Personen/mit eusserlichen deutungen vnd zeichen/jr begirde nach dem hochwirdigen Sacrament anzeigen/das mans inen geben sol. Doch ob solche leute gleich one Sacrament bleiben/ wird inen solchs an irer Seligkeit nicht schaden. Denn dieweil sie Gott so gebrechlich geschaffen hat / wird er inen nicht zurechnen/das sie nicht bessern können. Vnd wie man sagt von einem rechten vnd natürlichen Narren (Dieterich genant) am Newnarischen vnd Nassawischen hofe wol bekand/ da der hat sterben sollen/sein das seine letzten wort gewesen/ Lieber Gott / forder nicht mehr von mir / denn das du mir geben hast. Gleichfals mag man urteilen vnd richten von den natürlichen Narren vnd dergleichen leuten.

Es mögen dergleichen viel andere felle sich vmb vnd bey diesen hochwirdigen Sacrament zugetragen / in welche man sich / aus diesen jzt erzelen/ zimlich richten/ oder bey andern raths erholen

Form vnd weise

mag / auff das niemand kein ergernts oder an-
stos gebe/vñ alles zur besserung gehandelt werde.

Item / so sollen die Kirchendiener furnemlich
vnd zum offermal die leute vermanen/das sie off-
te zum Nachmal des HERRN geben / vnd nicht es
ben auff die letzte zeite vnd not warten/oder bis sie
krank werden. Vnd wird hieher rechte gezogen/
der spruch des heiligen Basilij in der vermanung
zum Tauffe. Mensch sihe zu/verzeuße es nicht von
tage zu tage/von Monat zu Monat. Denne so kan
dich ein solcher Tag betretten / welches du dich
nicht versehest / das die hoffnung des lebens sich
verleuret/ vnd dich angst vnd not hefftig vberfelo-
let. Die Ärzte verzweifeln an dir/deine nächsten
freunde verzweifeln auch/der arthem wil jmer dir
zu kurz / vnd der hals trucken vnd dürr werden/
der hefftigen grossen hitze halben / die dir dein
herze wil abbrennen. Wenn du denn von hertzen
seufftest/findestu niemand der sich mit dir beküm-
mere. Vnd ob du schon vnterweilen ein wörclein
heraus bringest / so ist doch niemand da / der es
höre / sondern alles was du sagst / helet jederman
für aberwünige gedanken. Wer wil als denn
(spricht er) dich reussen? Wer wil dir zusprech-
en / dieweil du krankheit halben da ligst / wie in
einem erawin vnd schlumest? Deine Verwandten
können es für leid vnd jamer nicht. Denen es aber
nicht zu hertzen gehet / die verachten es. Gute
Freunde schwergen auch still / vnd sie besorgen /
sie möchten dich mehr vnrubig machen. Vnd kan
wol komen/das eben der Arzt dich betriege/sinre
mal

einer Ordination.

mal du selbst noch jmer bessernung hoffest. Den das leben lieber sehr. Also ist als denn niemand da/der dir helffe / oder bey stünde / sonderlich aber ist der nicht da/der dich reuffen sol. Der Tod aber verzeu het nicht / vnd die dich sollen wegführen eilen zur sache. Wer wil dich als denn erretten? Gott welchen du so lange zeit verachtet hast / solte er dich dazumal erhören / sintemal du in nicht woltest hören / da er dir so freundlich ruffete. Solte er dir lenger frist geben / sintemal du der zeit / bis anher so vbel gebrauchet hast? Er wirds wol lassen. Darumb las dich nicht betriegen mit falschen wortē. Denn der Tod kan sich sehr schwinde finden / vnd dich vber eilen etc. Auff diese weise kan man auch die tzu te zum hochwirdigen Sacrament des Aletars vermanen.

Von etlichen mangeln vnd fellen/

die sich in der Beichte zutragen.

Es tregt sich zum offtermal zu / das Leute zu der Beichte komen / die weder das Vater vnser / noch Glauben / noch die Zehen gebot / vnd noch die wort von Sacramenten wissen / sein auch keiner form vnd weise berichte / wie sie beichten / vnd sich anklagen sollen. Nu ist es nicht möglich / das man sie in der Beichte / als balde erzelte stücke leren kan. Darumb wo solche Personen sonst schlechte vnd einfeltige leute sein / beschuldigen sich in gemein irer sünden / vnd bekennen diese / haben auch einen eiffer zu Gott vnd sein

Form vnd weise

dem wort/ beklagen ire vnwissenheit vnd gebrech
 lichkeit/ lassen ihnen diese leid sein/ vnd sagen besse
 rung zu/ das sie ob gemelte stücke lernen wollen/ so
 viel ihnen inder möglich. Wie denen was man ge
 dult haben/ vnd sie absolviren von iren Sünden/
 vnangesehen wie vngeschickte sie auch sein. Denn
 ja Christ us vmb der schwachen/ vnwissenden/ vñ
 gebrechlichen Sünder willen komen ist? Vnd solt
 man auch solchen leuten die Absolution nicht mit
 theilen/ dieweil ihnen doch sonst alle sache ernst ist/
 so möchten sie Kleinmütig werden/ vñ in irer Klei
 nütigkeit verzagen. Das were ja vbel gethan?
 Item/ sein etliche alte Leute/ voraus auff den
 Dörffern/ also schlecht vnd einfeltig/ das sie mei
 nen/ sie habens nicht von nöten/ das sie die Zehen
 gebot/ die wort von hochwürdigen Sacramenten
 etc. wissen. Wie denn mir selbst ein mal einer begeg
 net/ da ich in in der Beichte fragete/ ob er die Ze
 hen gebot wüßte/ Gab er mir zur antwort/ Ach
 mein Herr/ ich bekümmere mich nicht vmb solche
 hohe ding/ sondern lass die Gelehrten hiermit vmb
 gehen. Vnd da ich nu drauff drang er müste sie
 wissen/ sonst köndte er nicht verstehen/ was Gots
 tes wille were/ denen er thuen solte/ vnd was die
 sünden weren/ wider Gottes willen/ die er lassen
 müste. Antwortet er mir weiter/ vnd sprach/ Lie
 ber Herr/ ich bitte euch/ ir wolt mich armen vnd
 einfeltigen Man/ mit solchen hohen dingen nicht
 beladen/ ich wil sonst alles thun/ was ich thuen sol.
 Was solte ich da thuen/ ich muste mich an seiner
 einfeltigen vnd gemeinen anlag der sünden/ vnd

einer Ordination.

an seinem ernste vnd eiffer zur Seligkeit / begnügen lassen / weicern vnrat zuuerhüten / vnd nach vielfeltiger vnterweisung absoluten.

Item / so begibt sich mannichmal / das alte leute / in dem verfluchten Bapsthum fernerlich verseumet / die bitten im Vater vnser nacheinander ordentlich / wie sie sich verfolgen / nicht beten können / vñ segnen etwa ein bit fur / die ander hernach. Des gleichen thun sie auch mit den Zehen geboten / mit den Artickeln des Glaubens / vnd mit den Worten der Sacramente. Vnd ist ihnen auch nicht möglich / allerley gebrechlichkeit halben / das sie gemeles ding ordentlich erzelen solten. Sibet man nu das es aus einfeltigkeit vnd gebrechlichkeit geschicht / vnd können nicht bessern / vnd ist ihnen die sache sonst ernst / das sie einen eiffer vnd begirde zur seligkeit haben / lassen ihnen auch ire schwachheit / gebrechlichkeit leid sein / vnd beklagen diese. Da mus man abermals gedult haben / die armen vnd einfeltigen Leute nicht abweisen mit vngestümigkeit auff das man ihnen nicht versache gebe zu der verzweiffelung.

Solche vnd dergleichen felle / tragen sich sehr viel zu in der Beichte. Vnd haben wir solche gebrechlichkeit vnd vnwissenheit niemant anders zu danken / denn dem Gottlosen Bapsthum / das die Leute also verseumet hat / vnd sie in solchen nöthigen dingen nicht vnterrichtet.

Item / so sein die neuen Pfarhern vnd Kirchendiener des wol zuberichten vnd zuerinnern / das sie ein vleissig auffmerckung in der Beichte haben /
auff

Form vnd weise

auff das sie wissen zu vnterscheiden zwischen dem rohen / frechen / sicheren / rochlosen / vnd wüsten Beichelindern. Vnd vnter den einfeltigen / schlechten / beengstigten / betrübten / vnd waren Busfertigen / denen jr Beicht vñ Bus ein ernst ist. Denn mit dem ersten mus man einen harten vnd scharffen Process halten / damit man sie bringe zu warer erkennenis irer Sünden / zu betrachtunge der grosheit des zorns vnd der straffe Gottes vber ire Sünden. Item / das sie ware rewe vnd leid darüber haben. Vnd wo man sibet / das man sie hiezubeweget / vnd das jnen die sache ein ernst ist / das man sie aller ersten mit Gottes Gnade vnd Barmhertzigkeit eröfste / von den sünden absolute / vnd eine ernste zusage von jnen neme / jr sündlichs leben zu bessern / vnd ein Gottfürchtigs / züchtiges vnd erbares leben / mit Gottes hülffe vnd beistand anzufahen / vnd in das werck bringen.

Mit den andern aber / dieweil sie zuuorn beengste / betrübte / angefochrene / vnd Kleinmütige leute sein / von wegen irer Sünden / vnd in betrachtung der grosheit Götlichs zorns vnd straffe vber ire sünden / derhalben sie auch herzlich rewe vnd leid tragen / vnd stehet jr ganzes gemüt vnd meinunge / zur waren Busse vnd versönunge mit Gott. Mit denen sage ich / mus man an stunde anfahren zu eröfsten / auff das sie vns vnter den henden nicht in verzweiffelung fallen. Bey diesen mus man die Sünde nicht weiter erheben vnd auffmugen / sondern jnen zum trost / auch aus den Sünden etwas guts machen / vnd nach der Lere Ihesu Syrachs
 leren/

einer Ordination.

lernen/das auch die Sünden zu etwas gut sey/Item
lich/weren keine Sünden vnd Sündler/so bette
auch Gottes Gnade vnd Barmhertzigkeit keinen
raum vnd platz/da sie wirken möchte. Item/bey
denen mus man in allewege Gottes Gnade vnd
Barmhertzigkeit vber ire sünde vnd misserthat er-
heben/vnd inen verkündigen/das Gottes barm-
hertzigkeit also gros ist/als Gott selbst. Item/die
sen sol man williglich vnd gerne verzeihunge irer
sünden mittheilen/vnd sie mit allem glimpff zu ei-
nem neuen leben vermanen/vnd inen hiez zu mis-
serthat vnd wege weisen.

Vnd vmb des vnterscheidts willen/rathen vnd
lernen die alten Väter der Kirchen/das man gele-
te/erfarne/geschickte/weise/Fluge/vnd verstandi-
ge Menner/zu Beischewätern erwelen wolle/homi-
nes doctos,prudentes,& discretos &c.

Item/so sol man sich mit allem vleis auch erklä-
rige/was die neuen Kirchendiener für eine form
vnd weise haben/die leute Beichte zu hören/vnd sie
bet die beste hierinnen/das man in gemein die
Beichtkinder hierumb lobe/das sie sich also für
Gott demütigen/ire sünden bekennen/vnd hiez
über Gottes zorn vnd straffe beherzigen/vn das
sie hieran recht thuen/aus der Schrift/vnd Ex-
empeln der Schrift berichten. Vnd sie als denn
weiter durch die Predigete des Gesetzes/zur erkene-
nis irer sünden führen/vnd zur betrachtung der
grosheit Göttlichs zorn vnd straffe darüber. I-
tem/hernach sie zu heuglicher reue vnd leid anhal-
ten/damit solche ding keine heuchley sein/das sie
D sich

Form vnd weise

sich irer begangenen sünden nicht berhümen / das ihnen nicht erogen vnd stolzieren / diese nicht entschuldigen / klein machen / zudecken / vnd fur ruggenden ausgeben / daran keinen willen / lust / liebe vñ wolgefallen tragen ꝛc. Denn es gnug ist / das man gesündiget hat / vnd derhalben Gott zu billichem zorn vnd straffe beweget. Solte man nu allerersten in sünden sich berhümen / vnd daran einen gefallen tragen / das were doppelt vbel gethan. Vnd das verbiet auch die Schrift / da sie sagt / Ne glorieris in malitia. Sondern viel mehr sol man sie anhalten / die Beichtkinder / das sie vber ihre sünden heulen vnd weinen / denen gram werden / diese hassen / vnd der selbigen von hertzen feind werden / ja das sie wünschen vnd wollen / das sie jr lebenslang nie keine sünde gethan betten / vnd dadurch Gott zu billichem zorn vnd rechten straffen verursacher. Fürnemlich aber sollen die Beichtkinder hie befragt werden / ob sie auch des gönglichen vorsages sein / jr sündlich leben mit Gottes hülffe vnd beistand zu bessern / vnd auff diese besserung mit ernst / vnd weitleuffrig dringen. Ja allhir sol man auch einem jeden in seinem stande / so ein Beichtuater weis / in was öffentlichen sünden vnd lastern die Beichtkinder ligen / das Capitel / den Text / mit der Glosa lesen / vnd ihnen nichts vnter die bankt stossen. Fürsten vnd Herren / vnd allen Personen so in der Obrigkeit sitzen / sagen / wie faul vnder äg sie sein zu beförderung des Reichs Christi / wie sie etwa hausen vnd leben etc. Vnd also einem jeden in seinem stande / seine bekandte vñ öffentliche sünden vorhalten

einer Ordination.

zur ernsthaftigē besserung/dem grossen wie dem
kleinē/vnd einen jeden zörnē lassen/der es nicht
lassen wil. Ja wo es die not also erfordert/dz ein
Beichtkind etliche mal seiner offentlichen sünden
were erinnert worden/vnd besserung zugesagt/
vnd doch sich nicht bessert/sondern on alle bußer
tigkeit stracks fortführe/dem sol man die Absolu
tion nicht mittheilen/bis so lange man an im eine
wirkliche/thetige/vñ warhafftige buße befindet.

Als denn weiter anfahren/die jenigen/so besser
ung zusagen/reue vñ leid vber ire sünde haben/
widerumb zu eröffen/auff diese form vnd weise/
das sie in iren sünden nicht verzagen vnd verzwe
feln sollen/die selbige auch nicht vber Gottes gna
de vñ barmherzigkeit erheben/sondern sich durch
den glauben widerumb auffrichten/vnd dadurch
festiglich glauben/das inen Gott ire sünde verzei
hen vnd vergeben wolle/vmb seines lieben Sons
Jhesu Christi willen/vñ derhalben auch befragt
werden/ob sie Gottes gnade vnd barmherzigkeit
höher vnd grösser halten/denn ire sünde vnd mis
sethatē/vnd ob sie glauben das Gott inen ire sün
den vñ missethaten/vmb Christi Jhesu willen
vergeben vnd verzeihen wölle/vnd endlich auff
solche bekenntnis ires glaubens sie absolviren.

Nach der Absolution sollen die beichtväter/die
beichtkinder/so nu absolviret sein/bleissig anbal
ten vnd vnterweisen/was nu die endschafft sey/
der vergebung der sünden/der gerechtigkeit/der
seligkeit vñ des ewigen lebens/welche schenke sie nu
in der Absolution durch den glaubē entpfangē ha
bē/nemlich dz sie nu ein neues leben anfangē sollē/
vñ sich guter werck beflissigē/nach Gottes gebot

Form vnd weise

willen/vnd befehl. Denn darumb erlangen die leu-
te vergebung der sünden / die gerechtigkeit / die
seligkeit / vnd das ewige leben / durch den glauben
an Ihesum Christum / aus lauter gnade vñ barm-
herzigkeit Gottes / das sie sollen einen Gott fürch-
ten / züchtigen / ehrlichen / vnd erbaren handet
vnd wandel anhaben / vnd denn ins werck brin-
gen / zum gewissen vnd warhafftigen zeugnis der
entpfangenen vergebung der sünden / der gerecht-
igkeit / der seligkeit / vnd des ewigen lebens. Vnd
das nach der lere des Apostels Pauli / zum Ephe-
ser am 2. Capitel / Aus gnaden seid ir selig wor-
den / vnd nicht aus euch. Gottes gabe ist es / vnd
nicht aus den werckē / auff dz sich niemand rühme.
Ir seid Gottes werck / geschaffen in Christo Ihe-
su zu guter wercken etc. Vñ sollen also mit höchstem
ernst vnd vleis die Absoluireren zu guten wercken
die Gott geboten vnd befohlen hat / vermanen vñ
anhalten. Vnd das ja inen wol einbilden / das es
nu nicht gnug sey / das sie offgemelte schein durch
die Absolution bekommen haben / sondern sie sollen
forthhin auch auff mittel vnd wege gedencken / das
sie dieselbige durch Todsünden nicht widerumb
ausreiben. Denn so balde der Mensch in eine tod-
sünde einfelt / betrübet er den heiligen Geist / vnd
erreibet Gottes gnade / glauben / vergebung der
sünden / gerechtigkeit / seligkeit / vnd ewiges leben
aus. Item / wie sie dieselbige fur vnd fur behalten
mögen. Hierzu solten inen drey mittel vorgeschla-
gen werden. Erstlich / nach dem es in irem vermö-
gen nicht steht / offgemelte schein der Seligkeit /
durch

einer Ordination.

durch die Absolution empfangen / zu behalten / in
ansehen ihrer natürlichen gebrechlichkeit / vnd vn-
vermögligkeit / vnd der gewaltigen anfechtunge
des Teufels vnd ihres eigenen fleisches / das sie rego-
lich morgens vnd abends / Gott anrufen sollen /
vmb des verdienstes Ihesu Christi willen / das er
inen mittheile seinen heiligen Geist / der sie gnedigo-
lich bey vorigen schenken / schützen / schirmen / vnd
erhalten wolle / vnd inen krafft vnd macht geben /
das sie des Teufels vnd ihres eigenen fleisches an-
fechtungen widerstreben / vnd darwider gesiegen
mögen / damit sie nicht in Todsünden einfallen /
vnd nu sehr oft gedachte schenke der Seligkeit / we-
derumb verlieren.

Zum andern / das sie nu kempffen vnd streiten
sollen / wider den Teufel / vnd ir eigen fleisch / böse
lüste / begirde / vnd affecten / ja wider alle anfech-
tunge / erzelter Feinde. Vnd nicht von stunde an /
hende vnd gemüt fallen lassen / vnd ihren anfech-
tungen raum vnd platz geben / inen weichen / vnd
das feil lassen. Sondern das sie den schilt des glau-
bens ergreifen / vnd hierdurch wider den Teufel /
vnd andere feind / so sie zu Todsünden verurachs-
en wollen / vnd also vmb die empfangene Schenke
der seligkeit / in der Absolution / bringen. Daber
beschreibet nu Paulus den streit des Geistes vnd
des fleisches in den Christen / zu Galatern am 5.
Capitel. Vnd der heilige Hiob sagt / das vnser le-
ben ein Ritterschafft sey auff dieser Erden.

Wo denn nu die Absoluirten also streiten wer-
den durch den glaubē / vnd sich nicht als balde von

Form vnd weise

freien Feinden lassen gefangen nemen / vñ zum fall
 bringen / als denn werden sie gewislich gesiegt /
 vnd in Todesünden nicht einfallen / dadurch sie
 offtegenente schenke der Absolution verlieren möch-
 ten. Darumb sprichet auch Johannes in seiner ers-
 sten Epistel / an 5. Capitel / das vnser überwin-
 dunge sey der glaube an Christum Ihesum / das
 durch wir den Teufel / die Wele / vnd alle andere
 Feinde mit iren ansechungen überwinden müs-
 sen. Vnd ob nu gleichwol die Absoluirten sich für
 Todssünden also hüten werden / so wird es doch
 ihnen dennoch on teglichen sünden / die man nen-
 net (Venialia peccata) nicht mangeln / das ist / an
 bösen vnd innerlichen lösten / affecten / begirden /
 vnd gedancken / damit werden sie zu streiten vnd
 kempffen allzeit gnug haben / das sie die selbige
 mit Worten / Wercken / vnd Thaten / nicht ins werck
 zu Todssünden ziehen. Aber gemelte löste / affecten
 begirde / vnd gedancken / mögen ihnen nicht schas-
 den / wo sie allein den selbigen durch den glauben
 an Christum widerstand thun / vnd diese in euf-
 serliche wort vnd Thaten nicht kómen lassen. Den
 also stehet geschriben zun Rómern am 8. Capitel
 Es ist keine verdammis mehr vorhanden / denen
 die da sein in Christo Ihesu / das ist / die im glau-
 ben an Christum Ihesum standhafftig bleiben /
 vnd durch den selbigen iren bösen lösten / begirdē /
 affecten / vnd gedancken widerstehen / vnd sie in
 wort vnd Thaten / mit verwilligung nicht gera-
 then lassen.

Zum dritten / ob sie aber widerumb aus mensch-
 licher

einer Ordination.

licher gebrechlichkeit in todsünden würden einfallen / vnd die erlangten schenke der Absolution / hier durch wider austreiben vnd verlieren / das sie ja nicht in den todsünden wollen beligen bleiben / vñ sich darinnen / wie eine Sawe im Ee welgen vnd süelen. Sondern viel mehr an stund die ware buse se ergreifen / vnd hierdurch widerumb vergebung der Todsünden suchen / sich mit Gott widerumb vergleichen vnd versöhnen / durch seinen lieben Son Ihesum Christum. Also kan man in todsünde fallen / vnd doch derer vergebung wider erlangen / vnd also gleichwol der Absolution schenke / bis an das ende des lebens behalten.

Item / las ich mir auch gefallen / das man den neuen Kirchendienern einbinde / das sie in schweren sachen / in gemein / vnd sonderlich in seltsamen vnd irigen sachen / daraus sie sich nicht wickeln können / gelehrtere vnd erfarnere leute nach frage.

Zum eilfften / Sollen die Ordinandi / ehe sie ordineret werde / sich zuuorn zum gebete / vñ zu der Cōmunion bereiten. Es sol auch sonst kein sonderlich weltlich gesper vñ geprenge / mit Ceremonien oder pflichten bey der Ordination gehalten werden. Denn die Apostel / vñ alte Väter / von Byßlichen Ceremonien / vnd vnrechten verpflichten auch nichts wissen. Vnd dieweil denn die Ordination ein offentlich zeugnis ist bey der Kirchen / das diese Person beruffen sey / vnd befelch habe das Euangelium zu predigen / vnd die Sacrament zu reichen. Darumb ist es billich vnd recht / das die ganze Versammlung / in volziehung
dieses

Form vnd weise

dieses grossen wercks / Gott anruffe / vnd fur die
Person / vnd in gemein vmb erhaltung des Kir-
chenampts / vnd der Kirchen ernstlich bitte.

Form vnd Weise der Ordination/ gestellet durch den Ehrowirdigen Herren Marti- num Lutherum D.

Erstlich singet man / Veni sancte Spiritus. Vnd
wird die Collecta gelesen. Darnach liest der Sur-
intendens diesen folgenden Text.

So schreibet S. Paulus / in der Epistel an Timotheum / am dritten Capitel.

Als ist je gewislich war /
So jemand ein Bischoffs Ampt
begert / der begert ein köstlich
werck. Es sol aber ein Bischoff
vnstrefflich sein / eines Weibes
Man / nüchtern / messig / sittig /
gastfrey / leerhafftig / nicht ein Weinsuuffer / nicht
beissig / nicht vnehrliche handtierung treiben / son-
dern gelinde / nicht haderhafftig / nicht geizig / der
seinem

einer Ordination.

seinem eignen Hause wol furstehe / der gehorsas
me Kinder habe / mit aller erbarkeit (So aber je
mand seinem eigenen Hause nicht weis furzustes
ben / wie wird er die Gemeine Gottes versorgen?)
Nicht ein Newling / auff das er sich nicht auffbla
se / vñ dem Lestere ins vrteil falle. Er mus aber
auch ein gnt zeugnis haben / von denen die draus
sen sind / auff das er nicht falle dem Lestere in
die schmach vnd strick.

So ermanet S. Paulus die

Ältesten der Gemeine zu

Epheſo.

SO habt nu acht auff euch selbst /
vnd auff die ganze Herd / vnter welche
euch der heilige Geist gesetzt hat / zu Bischoffen /
zu weiden die Gemeine Gottes / welche er durch
sein eigen blut erworben hat. Denn das weis ich /
das nach meinem abschied werden vnter euch For
mengewliche Wolffe / die der Herde nicht ver
schonen werden. Auch aus euch selbst werden auff
stehen Wenner / die da verkerete Lere reden / die
Jünger an sich zu ziehen. Darumb seid wacker
vnd dencket daran / das ich nicht abgelassen ha
be / drey schar / tag vnd nacht / einen iglichen mit
ebrenen zuermanen.

Hör et jr / das vns / so Bischoff
se / das ist Prediger vnd Pfarhern berufe
fen

Form vnd weise

sein sind / vnd sein sollen / nicht wird befolhen Gens
se oder Rde zu hüten / Sondern die Gemeine / so
Gott durch sein eigen Blut erworben hat / Das
wir sie weiden sollen / mit dem reinen wort Gots
tes / auch wachen vnd zuschauen / das nicht Wolfe
vnd Kotzen vnter die armen Schafe einreissen /
darumb nennet es ein köstlich werck.

Auch fur vnser Person / sollen wir züchtig vnd
ehelich leben / Vnser Haus / Weib / Kind vnd Ge
sind / Christlich halten vnd ziehen.

Seid jr nu solchs zuehuen bereit /
so spreche Ja.

Da lege der Superintendens / vnd die andern
Diener des worts / so dabey sind / dem Ordinar
do die hende auff das Henck.

Darnach sprecher.

Last vns beten.

Vater vnser der du bist im Himmel ꝛc.

Darmherziger Gott / Himli
scher Vater / du hast durch den
Mund deines lieben SONS / vnser
Herrn Ihesu Christi / zu vns gesagt /
Die Erndte ist gros / aber wenig sind
der Erbeiter / Bittet den Herrn der
Erndte / das er Erbeiter in seine Erndt

einer Ordination.

te sende. Auff solchen deinen Göttlichen
befehl / bitten wir von Herzen /
du wollest diesen deinen Dienern /
samt uns / vnd allen die zu deinem
Wort beruffen sind / deinen heiligen
Geist reichlich geben / das wir mit
grossen hauffen deine Euangelisten
sein / Treu vnd fest bleiben / wider den
Teufel / Welt / vnd Fleisch. Damit
dein Name geheiligt / dein Reich ge-
mehret / dein Will volbracht werde.
Wollest auch dem leidigen gewel des
Papsts / vnd Mahomeths / samt an-
dern Kotten / so deinen Namen lestern
dein Reich zerstören / deinem Willen
widerstreben / endlich steyren vnd ein-
ende machen. Solch vnser gebet (weil
du es geheissen / geleret / vnd vertrö-
stet hast) wollestu gnediglich erhören /
wie wir glauben vnd trauen / durch

Form vnd weise

deinen lieben Son / vnsern Herrn
Ihesum Christum / Der mit dir / vnd
dem heiligen Geist / lebt vnd herschet
in ewigkeit / Amen.

So gehet nu hin vnd weidet die Herde Christi /
so euch befohlen ist / vnd sehet wol zu / Nicht ge-
zwungen / sondern williglich / Nicht vmb schends-
lichs gewins willen / sondern von hertzen grund /
Nicht als die vber das Volck herschen / sondern
werdet Furbitte der Herde. So werdet jr (wenn
der Erzhirte erscheinen wird) die vnuerwelckts-
che Krone der Ehren empfangen. Benedicat uobis
Dominus, ut faciatis fructum multum, Amen.

Folget die Communion.

Vnd sollen hernach den Ordinatis / geschriebe-
ne oder gedruckte öffentliche Testimonia gegeben
werden / Unterschrieben durch den Super-
intendenden / vnd etliche mehr Personen.

Das man wisse / das sie zum Predig-
ampt zugelassen / vnd nicht
falsche Lere-
r sind.



Eine

einer Ordination.

Eine andere Form vnd weise der Ordination / so ich etwa vñ

andere Superintendenten am Rheinstram
gebrauchet / an denen orten vnd Sted-
ten / da ein jeder ordinierter
hat wonen sollen.



Geliebten im HErrn/nach
dem dieser ort / einen Seelsorger
bedarf / hat es Gott also geschick-
et / das vnser Obrigkeit / oder
die jenigen / so solchs von wegen
der Christlichen Kirchen zu thun
haben / mit verwilligung vnserer Obrigkeit / die
gegenwertige Person / den wolgelerten vnd Gott
fürchtigen Man / N. N. allhier in dieser Stadt /
oder Dorff / für einen Pastor oder Diaken / chr-
lich / Christlich / recht / vnd redlich beruffen.
Welcher auch nach aller notturfft von mir / dem
Superintendenten / vnd andern darzu veror-
denten / ist examinieret vnd verhört worden.
Vnd (Gott hab lob) der gestalt befunden / das er
tüchtig vnd würdig geachtet / das er ewer Pastor
vnd Seelsorger sein soll.

Nu stehets in seinen Krefft vnd vermögen
nicht / solch hoch vnd grosses Ampt der Kirchen
zu dienen (das Christus Gottes Son selbst im
newen Testament eingesetzet / confirmiret, vnd bes-

Form vnd weise

ffertiget hat) recheschaffen vnd Christlich anzufas-
hen vnd zu volziehen/ das es Gott zun ehren/vñ
euch allen zum besten diene. Item/ so ist es auch
nicht in seinem vermögen/ ob er gleich in undes ge-
lert vnd from ist (der wegen er denn seine guten
zeugnissen hat) hierinnen fortzufaren vnd zu
bleiben/vnd endlich sein Ampt recht vnd wol aus-
zurichten/in aller Gottes furcht/ vnd one er ger-
nis vnd anskos.

Daher denn folgen wil/ das es eine gabe Got-
tes sey/ das ewer Pfarrer vnd Seelsorger/ Got-
tfürchtig/ frölich/vnd erbarlich in seinem Ampt-
te/vnd also in Lere vnd Leben sich verhalte/ das
Gott hieraus seine ehre/ vnd jr seine Schäflein
ewer besserung habet.

Ist solchs alles aber eine gabe Gottes/ so wil es
von nöten sein/das jr Gott von Himel mit ernst/
herzen/ vnd innerlicher andacht ewera gemüts/
vnd hieneben auch mit eusserlichen worten des
mundes anruffet/das er euch an diesem Manne/
einen Gottfürchtigen/züchtigen/ erbaren/ vnd
vleißigen Kirchendiener geben vnd bescheren
wolle/ der in Lere vnd Leben/ sich vnstrefflich
halte/ auff das Gott hierdurch seine gebürliche
ehre hab/ vnd jr seine Schäflein vnterrichtung
vnd besserung/ ja eine rechte anleitung/ vnd ge-
wisses Exemplar vnd Furbilde/ dem jr in Lere
vnd Leben zu allem guten nachfolgen möget.

Vnd von solchem anrufen vnd gebete/ habe
jr auch ein ernstlich gebot vnd befehl vnser lie-
ben HERRN Ihesu Christi/Matth. am 9. Capitel/
Die

einer Ordination.

Die Erndte ist groß/ aber wenig sind der Erbeiter. Darumb bittet den HERRN der erndte/ das er Arbeiter in seine Erndte sende. Item/ so habe jr für euch das Exempel vnser HERRN Christi selbst/ welcher da er seine Jünger folgenden tages hat wollen zum Apostolischen vnd Kirchenampte beruffen/ hat er zuuorn eine ganze nacht zu Gott seinem Vater gebetet/ on allen zweiffel hierumb/ das er im Gottfürchtige/ fromme/ ehliche/ vnd vleissige Wenner zu solchem hohen Ampte besetzen wolte/ die sein Reich erewlich möchten forsetzen/ vnd in lere vnd leben jeder man dienstlich vñ besserlich sein.

Derhalben nu auch jr recht vnd wol ehret/ nach dem befehl vnd Exempel Ihesu Christi/ das jr für disen ewren zukünfftigen Seelsorger vleissig vnd mit ernste bittet. Vnd solt auch nicht zweifeln/ sondern festiglich glauben/ das Gott der Vater ewer gebet wird erhören/ vmb seines lieben Söns Ihesu Christi willen/ der euch gebotten vnd befolhen hat/ das jr den Vater anruffen sollet/ das er Arbeiter in seine Erndte sende.

Es sol aber (wie geböret) ewer gebet zu Gott dem Vater gericht sein. In dem Namen vnser HERRN Ihesu Christi geschehen. Vnd sol der heilige Geist sein/ darumb jr bitten solt/ das Gott der Vater den selbigen diesem ewren Pastor vnd Seelsorger vbergebe wolle/ auff das er sein ampte also anfabe vnd volziehe/ das es Gott zum ehren/ vnd euch allen zur besserung dienen möge. Darumb singet mit ernst/ andacht/ vnd von hertzen.

Rom

Form vnd weisse

Rom heiliger Geist/erfülle die hertzen
deiner Gledbigen ꝛc.

Collect.

Allmechtiger Gott/Himlischer
Vater / Wir bitten dich / durch
deinen lieben Son Ihesum Chri-
stum/du wollest deinen heiligen Geist
diesem deinem Diener / vnd vnserem
zukünftigen Seelsorger/mit allerley
nötigen gaben / zu volziehung seines
Ampts/reichlich vñ gnediglich ober-
geben/auff das er in lere vnd in leben
sich vnstrefflich verhalten möge / dir
zun ehren / vnd vns allen zur besse-
rung/ vmb Christi Ihesu vnseres Her-
ren willen/ Amen.

Weiter kere sich der Superintendentens zu dem/
der da sol ordinieret werden / vnd spricht zu ihm
also.

Dieweil jr denn nu ein Pastor vnd
Seelsorger sein solt / ist von nöten / das ihr auch
ewer

einer Ordination.

ewer Ampt wiſſet / vnd mit was tugenden ſe ſol
let gezieret vnd geſchmücket ſein.

Des Amptes halben hat auch Chriſtus einich Eue
gen Beſtalbrieff gemacht / darinnen ewer Ampt
gefaſſet / Luce am 24. Capitel / da er wil / das ſe
nach dem Exempel der lieben Apoſtel / in ſeinem
Namen predigen ſollet buſſe vnd vergebung der
ſünden. Buſſe aber predigen / heiſſet nichts an
ders / denn das ſe ewren Schäflein / durch die Pro
digte des Geſetzes ſre ſünde vnd miſſerhat verkün
digen ſollet / wider Gottes willen vnd beſelch be
gangen. Gleich wie der HERR zum Propheten ſa
get / Eſaie am 28. Capitel / Ruffe getroſt / ſchone
nicht. Erhebe deine ſtim / wie eine Poſaune / vnd
verkündige meine in Volck ſe vbertrerten / vñ dem
hauſe Jacob ſre ſünde ꝛc. Item / das ſe inen hier
über Gottes groſſen zorn vnd ſtraffe anzeigt vñ
vermeldet / darinnen ſie auch verderben müſſen /
hier zeitlich / vnd dort ewiglich / wo ſie nicht Buſſe
thuen / vñ hiernon ſich zum HERRN bekeren. Item
das ſie reue vnd leid vber ſre ſünden vnd miſſerha
ten haben wollen / dieſer ſich nicht behümen / hier
innen nicht ſtölgieren vnd frolocken / daran Kei
nen willen noch gefallen tragen. Vnd alſo in ſum
ma / ſie mit Gottes zorn vnd gericht erſchrecken /
vnd in anſehung ſo vielſeltiger vnd mannicher
ley woltharē Gottes / die er inen erweiſet / ſich ſche
men müſſen / das ſie ſren wolchetigen Gott vnd
Vater / durch ſe ſündlich leben zu ſo groſſem vnd
billlichem zorn / vnd wol verdieneten ſtraffen ver
ſachet vnd gereizet haben.

Form vnd weise

Vergebung der sünden aber predigen / heisset das eigentlich / das jr widerumb durch die Predigte des Euangelij / die erschrecken vnd beengstigten gewissen / aus der Predigte des Gesetzes / vñ von wegen der erkenntnis irer sündē / Götlichen zorns vnd straffe hierüber / erösten vnd anfrichten sollet / damit sie in iren sünden nicht verzagen vnd vnter dem zorn vnd straffen Gottes verzweifeln / vnd diese ding endlich vber Gottes gnade vnd barmherzigkeit nicht erheben / Sondern viel mehr festiglich glauben / das Gott inen ire sünde verzeihen vnd vergeben wolle / vnd seinen zorn / vnd straffen hierüber sincken vnd fallen lassen / vmb seines lieben Sohns Ihesu Christi willen. Vnd inen hernach auff die bekentnis ihres Glaubens / die Absolution vnd verzeihung irer sünden sprechen. Vnd als denn weiter lezlich zu einem neuen vnd Gottfürchtigen leben / als zur frucht der vergabung der sünden / vnd der erlangten gerechtigkeit / erewlichen vermanen / ja zur besserung ihres gangen lebens / handels vnd wandels / auff das inen nichts bößers oder ergers widerfare. Vnd das nach den Worten Christi / Johannis am 8. Gehe hin / vnd sündige nicht weiter ꝛc.

Vnd zu diesem ewrem Bestalbrief / ewers verordneten Amptes / gehören auch folgende stücke / das jr solt die hochwirdigen Sacramente / nach ordnung vnd einsetzung vñsers HERRN Christi / ewren Schäflein handreichē vnd mittheilen / so oft sie derseioigen von nöten haben / vñ mit ernst begere. Vnd das auch nach dem gebot vñ befehl
Christi

einer Ordination.

Christi / Matth. am. 28. Leret alle Völder / vnd
 zeuffet sie 7c. Item / am 26. Das thut zu meinem
 gedechtnis 7c.

Item / gehört zu ewrem Bestalbetseß vnd am-
 pte / das jr ewren busfertigen Schäflein / die sich
 mit ernst / bergen / vnd in der that bekeren / ihre
 sünden solt auflösen. Vnd widerumb den vnbus-
 fertigen / die in sünden verharren / vnd sich zu bes-
 sern nicht gedechten / ihre sünden vorbehalten. Wie
 dis alles auch Christus gebet / Matth. am 18.
 Vnd Johannis am 20.

Die tugenden aber / damit jr solt gezieret vnd
 geschmücket sein / erzelet der Apostel Paulus / in
 der 1. an Timoth. am 3. Capitel / Das ist je gewis-
 lich war / so jemand ein Bischoffs ampte begeret /
 der begeret ein köstlichs werck. Es sol aber ein Bi-
 schoff vnstrecklich sein / eines Weibs Man / nüch-
 tern / messig / sittig / gastfrey / leerbafftig / nicht
 ein Weinsuffer / nicht vnehrliche handtierung
 treiben / Sondern gelinde / nicht haderbafftig /
 nicht geizig / der seinem eigenen hause wol vor-
 stehet / der gehorsame Kinder habe / mit aller er-
 barkeit. So aber jemand seinem eigenen hause
 nicht weis vorzustehen / wie wird er die Gemeine
 Gottes versorgen? Nicht ein Newling / auff das
 er sich nicht auffblase / vnd dem Lesterey in das
 vrrheil falle. Er mus aber auch ein gut zeugnis ha-
 ben / von denen die draussen sind / auff das er nicht
 falle dem Lesterey in die schmach vnd stricke.

Ihr solt aber nu anhören / wie es euch geben
 wird / wo jr ewrem Bestalbriff nach / ewer Ampte
 § 2 werden

Form vnd weise

werdet trewlich vnd mit leis ausrichten. Als denn wird euch der Teufel / Tode / Helle / Wele / vnd alles was hieran hanget / feind werden / euch hassen vnd verfolgen / nach ehr / glimpff / leib vnd leben trachten. Ja ewre eigen Schäflein etliche / denen ire Seligkeit kein rechter ernst ist / vnd welche die Weide Christi / Gottes Wort / allein im maul vnd ohren beliegen lassen / denken sich nicht zu bessern / faren muerwilliglich vnd trögllich fort in irem sündlichen lebē / vnd wollen darzu hierwider nichts gesagt haben. Diese sag ich / sein ewre falsche vnd heuchlische Euangelische / die in aller löchlosigkeit vñ sicherheit leben / die werden euch am höchsten bedrängen / beengstigen / vnd den verderblichsten stoss thun. Auff das bey euch war werde / das Christus gesagt hat / Sie werden euch in den Bann thun / vnd tödten / von einer Stad in die andere versagen ꝛc. Item / das auch an euch erfüllet werde / nach dem Exempel Christi / das der Prophet von Iuda sagt / das er ein Tischgenos / Ihesum verrathen vnd verkauffen solte.

Das sol aber widerumb ewer trost sein / in solchem Creutz / widerstand / vnd verfolgunge / von wegen der trewlichen ausrichtung ewers ampts / das euch Gott hierwider gnediglich schützen vnd schirmen wird / ewren feinden ire gewalt brechen / Tyranny verhindern / vnd abwenden / ire Gottlose anschlege zunicht machen / euch sinn / mut / vnd sterke geben / das ir das Creutz vnd verfolgung tragen können / vnd on alle schew vnd fürcht gleichwol die warheit predigen vnd bekennen /

einer Ordination.

nen / ja er wird euch mit notwendigen gütern
vnd gaben versehen / das jr ewer ampt ehrlich vñ
redlich möget zum guten vnd heilsamen ende hin
aus führen / vnd also mit zeitlichem vnd ewigen /
mit Leiblichen vnd Geistlichem lohn / nach seiner
Gödelichen verheissung begabē. Denn also sprichet
Christus / Matth. am 5. Capitel / Selig seid jr /
wenn euch die Menschen vmb meiner willen schme
hen vnd verfolgen / vnd reden allerley vbeln wa
der euch / so sie daran liegen. Seid frölich vnd ge
trost / es wird euch im Himmel wol bezahlet werden.
Denn also haben sie verfolget / die Propheten / die
für euch gewesen sein. Item / am 10. Capitel. Kaufe
set man nicht zweye Sperling vmb einen Pfennig.
Vnd selte der selbigen Keiner auff die Erden
on ewers Vaters willen? Na aber sein auch alle
ewre hant auff dem Heubte gezelet. Darumb fürch
tet euch nicht / jr seid besser denn viel Sperlinge.
Item / daselbst / Wer mich bekennet für den Men
schen / den wil ich bekennen für meinem Himlisch
en Vater. Item / am 24. Capitel / Welcher ist aber
nu ein trewer vnd kluger Knecht / den der Herr
gesetzt hat vber sein Gefinde / das er inen zu rech
ter zeit Speise gebe. Selig ist der Knecht / wenn
sein Herr kömpt / vnd findet inen also thun. War
lich ich sage euch / er wird in vber alle seine güter
setzen. Item / am 25. Capitel / Ey du fromer vnd
getrewer Knecht / du bist vber wenigem getrewe
gewesen / ich wil dich vber viel setzen. Gehe ein in
deines Herren freude. Item / Luce am 12. Capitel.
Lasset ewre lenden umbgürtet sein / vnd ewre liech
ter

Form vnd weise

er brennen. Vnd seid gleich den Menschen / die auff iren Herren warten / wenn er auffbrechen wird von der Hochzeit / auff das wenn er kömpt / vnd anklopffet / sie im balde auffthuen. Selig sind die Knechte / die der Herre / so er kömpt / wachent finder. Warlich ich sage euch / Er wird sich auffschürzen / vnd wird sie zu Tische setzen / vnd fur ihnen gehen / vnd ihnen dienen. Vnd so er kömpt in der andern Nacht / vnd in der dritten Nacht / vnd wird sie also finden. Selig sind diese Knechte.

Diese vnd der gleichen tröstliche Belohnunge / nach der verheissung Christi / sollen euch trösten / stercken vnd muttig machen / ja locken vnd anreizen / das jr ewer Ampt solt treulich vnd vleissig ausrichten / vnangesehen / es gehe euch hierüber wie Gott wil / sawer oder süsse.

Aus dem gegenteil aber / solt ihr nu anhören / wie es euch gehen wird / wo ihr ewer auffgeleget Ampt nicht werdet treulich vnd mit vleis ausrichten / Sondern das selbige mehr nach menschen furcht vnd gunst / nach zeitlicher ehre vnd gewalt / vnd also nach ewrem eigenen nutz richten vnd wenden / ewre Schäflein verleiten vnd verföhren / dieser nicht mit ernst achten vnd warnemen / sie von den Wolffen lassen zurissen werden / irren gehen / vnd verseumen. Als denn warlich / wird euch Gott widerumb verlassen / ewer nicht achtē / euch faren lassen / mit blindheit vñ sicherheit schlagen / an weisheit / vernunft / verstand / güttern / vnd gaben straffen / vnd euch hier zeitlich vñ dort ewiglich heimsuchen. Vnd das alles auch nach dem
wort

einer Ordination.

worten Christi/ vnd seiner lieben Apostel/ Matthei am 10. Capitel/ Wer mich aber verleugnet für den Menschen/ den wil ich auch verleugnen für meinem himlischen Vater. Item/ am 24. Capitel/ So aber jener/ der böse Knecht/ wird in seinem hertzen sagē/ Mein Herr kômpe noch lange nicht/ vnd fehet an zu schlagen seine Mitknechte/ isset vnd trincket mit den Trunckenen. So wird der Herr des selbigen Knechtes kômen/ an dem tage des er sich nicht versibet/ vnd zu der stunde/ die er nicht meinet/ vnd wird in zuschweytern/ vnd wird im seinen lohn geben mit den Heuchlern/ da wird sein heulen vnd zeenklappen. Item/ am 25. Capitel/ Da trat der hinzu/ der einen Centner hatte/ vnd sprach/ Herr ich wusse/ das du ein harter Man bist/ du schneidest/ da du nicht geseet hast/ vnd samlest/ da du nicht gestrewet hast/ vñ fürchtest mich/ vnd gieng hin/ vnd verbarg deinen Centner in die erden. Sihe/ da hast du das deine. Der Herr aber antwortet vñ sprach zu jm/ du schalck vnd fauler/ weisdestu das ich schneide/ da ich nicht geseet habe/ vnd samle/ da ich nicht zirstrewet habe/ so soltestu mein gelt zu den Wucheren gethan haben/ vnd wenn ich kômmen were/ hette ich das meine zu mir genomen mit wucher. Darumb nemet von jm den Centner/ vnd gebets dem der zehen Centner hat. Denn wer da hat/ dem wird gegeben werden/ vnd wird die fülle haben. Wer aber nicht hat/ dem wird auch/ das er hat/ genomen werden. Vnd den vnnützen Knecht werffet in die fûssernis hinaus/ da wird sein heulen vnd zeenklappen.

Form vnd weisse

Klappen. Item / spricht der Apostel Paulus / in der 1. zum Corinth. am 1. Capitel / Wehe mir / so ich nicht werde das Euangelium predigen.

Darnach spricht der Superintendentens zu der Gemeine / an dem orte / da der Ordinand ordentlichet wird. Geliebten im HERRN / es haben ewer Liebe / in vorgehenden Worten gehört / was das Ampt ewers gegenwertigen Pastors vnd Seelsorgers sey / darauß solt jr nu acht geben / als die trewen Schäflein Christi / das er sich seinem Ampte nach / also verhalte. Vnd wo er auch das thut / sollet jr im gefolgig vnd gehorsam seyn. Wo er aber seinem Ampte nicht würdenachsetzen (das doch nicht sein sol) vnd euch mit falscher lere / mit ertichteten Sacramenten / mit falschem Gottsdienste / vñ dergleichen dingen beschweren wolt / so solt jr im nicht folgen / vnd gehorsam sein / Sondern die stimme ewers HERRN vnd Hirten Christi hören / wie er gesagt hat / Meine Schäflein / hören meine stimme etc.

Jr habt auch weiter verstanden / mit was tugenden er in seinem leben sol gezieret vñ geschmückt sein / euch zum Exempel der besserung vnd nachfolge. Vnd solch leben habt jr von im freundlich zu fordern / vnd wo er würde anders leben / der gebürlichen Obrigkeit / als mir dem Superintendenten / derhalben bericht thuen / so wollen wir zu jeder zeit ein einsehen haben / das es geendert werde.

Vnd nach diesem allen / frage der Superintendentens den Ordinanden / ob er auch gedencke / sich nach

etner Ordination.

nach seinem angehörten Ampte/ mit Gottes hülff
fe vnd beystand/ in lere vnd leben/ vnstrefflich zu
halten/ im vnd seinen Schäflein zum besten. Wierauff
sol der Ordinande ja antworten.

Auff dis ja wort/ legt der Superintendent dem
Ordinando die hende auff sein heubt/ sampt dem
andern Kirchendienern/ so dabey sein. Vnd
spricht/ Ich ordinire dich/ zu einem trewen Die-
ner Ihesu Christi/ vnd confirmire/ vnd bestetige
dich in deinem Ampte.

Darnach spricht er/ Lasset vns beten.

Vater vnser etc.

Collect.

Garmherziger Gott/ vnd him-
lischer Vater / Wir bitten dich
vmb der glorie vnd ehre willen / dei-
nes lieben SONS Ihesu Christi / das
du diesem Ordinirten vnd bestetig-
tem Diener/ in seinem Ampte wollest
hülff vnd beystand erzeigen / vnd im
deinen heiligen Geist vbergeben/ das
er das heilige Euāgelium/ one furcht
vnd schewe predige/ vnd seinen mund
mit freidigkeit auffthuen möge/ kund

G zu mach,

Form vnd weise

zu machen das Geheimnis der warheit/die hochwürdigen Sacramente/nach deinem Göttlichen befehl vnd willen handreichen / sich zu aller zeit stete vnd feste/in dem rechten vnd waren Gottesdienst vben / vnd zu gleich nach dem Exempel deines lieben Sohnes/recht leren vnd leben/ dir zu lob/preis/vnd ehren/im selbst zum bestē/vnd seinen Schäflein zur seligen nachfolge/Amen.

Nach diesem hebe man an zu singen / das Responsorium/ Ite in orbem uniuersum &c. Vnd vnter dem gesange/ communicieren die Ordinari.

Folgendes nach der Ordination / gibe der Superintendentens den ordinirten ein schrifftlich zeugnis/auff das man weiß/das solche ordinirte Personen tüchtig sein / vnd zum Kirchenampt zugelassen. Vnd sol sich der Superintendentens sampt seinen mitgehilffen bey der Ordination vnters schreiben.

Zum beschluß / commendiret vnd befielt der Superintendentens / den ordinirten Pastor vnd Kirchendiener seiner Gemeine/ vnd vermanet sie
mit

einer Ordination.

mit ernst / das sie den selbigen in allen ehren halten wollen / vmb Christi willen / des Diener er ist / vnd von wegen seines hohen vnd grossen amtes / das er von Christo / vnd der Christlichen Kirchen erregt. Denn ja Christus gesagt hat / Wer euch höret / der höret mich. Vnd widerumb / Wer euch verachtet / der verachtet mich. Item / das sie im seine gebürliche vnterhaltung geben / one zant vnd widerwillen. Denn es ist billich / das diese / so das Euangelium predigen / sich vom Euangelio ernehren. Vnd ist solchs Gottes gebot vnd befelch / das man die Kirchendiener erhalte. Denn der HERR spricht im fünfften buche Moses / Du solt dem Ochsen / der da dreiset / das manul nicht verbinden. Vnd Christus sagt / das der Arbeiter seines lohns würdig sey. Vnd Paulus schreibt / das es Christus also befohlen hat / das die Verkündiger des Euangelij / sich vom Euangelio ernehren sollē. Vnd zun Galatern am 6. Cap. Der aber vnterrichtet wird / mit dem Wort / der teile mit allerley guts / dem / der in vnterrichtet. Doch wo jr ewern Seelsorger / reichlich ernehren werdet / solt jr das nicht vmb sonst vnd vergeblich thuen. Denn Christus spricht Matth. am 10. Capitel / Wer euch auffnimpt / der nimpt mich auff. Vnd wer mich auffnimpt / der nimpt den auff / der mich gesand hat. Wer einen Propheten auffnimmet / in eines Propheten namen / der wird eines Propheten lohn empfangen ꝛc. Vnd aus dem gegenteil / werdet jr ewern Pastor vbel halten / vnd in hunger vnd kummer leiden lassen / so wird es

Form vnd weise

euch sehr vbel gehen. Denn das sein die wort Chri-
sti/ Wer euch verachtet/ der verachtet mich. Vnd
Paulus schreibe/ zun Galacern/ am 6. Gott leß
sich hiersinnen nicht spotten.

Nach mitgeteilter Ordination/ sol als denn
weiter dem Ordinirten/ ein zeugnis seines Exa-
minis vnd Ordination/ schriftlich gegeben wer-
den. Vnd auch an ire Collatores eine commendat-
ion/ vnd an ire Gemeinen/ welchen sie dienen sol-
len. Sondernlich wo die Ordination für iren Ge-
meinen nicht geschicht.

Formular eines zeugnis.

NOS deputatæ personæ in Consistorio N. N.
salutem optamus omnibus lectoris has literas.
Venit ad nos N. N. uocatus ad munus docendi in Ec-
clesia Dei, in pago N. N. Rogati autem sumus, ab illis,
qui eum ad nos miserunt, ut explorata eius eruditione,
publicam ordinationem adderemus. Et quia intellexi-
mus prænominatum N. N. habere certam uocationem,
& legitima testimonia antea tæ uisæ, cœpimus illum au-
dire & examinare diligenter, & comperimus eum recte
tenere summam Christianæ pietatis, & amplecti puram
Euangelij doctrinam, quam Ecclesia nostra, uno spiri-
tu, & una uoce cum Catholica Ecclesia Christi profite-
tur, & a fanaticis opinionibus, damnatis iudicio Catho-
licæ Ecclesiæ Christi, abhorrere. Promisit etiam hic N.
N. in doctrina constantiam, & in officio fidem & dili-
gentiam. Quare ei iuxta doctrinam Apostolicam, pu-
blica

einer Ordination.

blica ordinatione commendatum est ministerium docendi Euangelij, & Sacramenta à Christo instituta ad ministrandi iuxta uocationem.

Cumq; scriptum sit de filio Dei: Ascendit, dedit dona hominibus, item, Prophetas, Apostolos, Doctores, & Pastores: Precamur ardentibus uotis, ut suæ Ecclesiæ gubernatores dei idoneos & salutes, quo huius N.N. ministerium sit efficax & salutare. Ipsum etiam N. N. & suam Ecclesiam hortamur, ut curent Euangelium Dei purè & fideliter conseruari & propagari. Nam hoc officio præcipuè Deus se coli postulat, sicut inquit Christus. In hoc glorificatur Pater meus, ut fructum feratis, & fiat is mei discipuli. Et hæc luce retenta, manet Ecclesia, & aderit in ea Ecclesia Deus, dabit uitam æternam inuocantibus ipsum, & opitulabitur in ærumnis huius uitæ. Ibi enim adest & exaudit Deus, ubi ipsius Euangelium uerè sonat, sicut scriptum est, Ioannis 15. Si manseritis in me, & uerba mea in uobis manserint;

Quicquid uolueritis, petetis, & fiet uobis. N. N.

Anno millesimo quingentesimo quinquagesimo quarto, Die N. N. In uerbo.

rem Confirmationem, Sigillo

Consistorij has literas

obsignari cura-

uimus.

63

Forma



Form vnd wesse

Formular eines Reuers/
welchs droben vermeldung
geschehen.

Ich N. N. nu verordenter Pastor
zu N. N. verspreche vnd sage zu / beides
schriffelich vnd mündlich / bey der warheit / vnd
nach meinem höchsten vermögen vnd trewen / ei-
nem würdigen Consistorio zu N. N. von dem ich
examinire vnd zu einem Kirchen-diener ordinie-
ret bin. Das ich / mit Gottes hülffe / mich die zeit
meines lebens / in lere vnd leben vnstrefflich hal-
ten wil. Des gleichen auch meinen befohlen Schäf-
lein hierinnen ein Exemplar vnd Furbilde sein.
Item / vollauffens / hurens / ehebrechens / wuch-
rens / vnd was der gleichen öffentliche laster mehr
sein / enhalten / in keinen Krog oder öffentlich
Wirdshaus gehen / alda zu sauffen / zu spielen /
vnd zu sitzen. Es sey denn das ich vber felt reise/
aus not / essens vnd trinckens halbē. In Priester-
licher Kleidung vnd strecken mich rechtschaffen erzei-
gen. Item / in der lere / bey den Sacramentē / vnd
gebrauch derselbigen / bey dem rechten Gottes-
dienst / vnd in vbergebener meiner Kirchenorde-
nung nichts newes ansahen / darinnen nichts en-
dern / oder furnemen / ich habe denn solche ding
in Synoden vnd Priesterlichen versamlungen /
disputiren / schliessen / vñ abhandeln lassen. Mich
auch mit keinem Prediger oder Kirchen-diener ei-
niger sachen halbē / auff dem Predigstul fur der
G

einer Ordination.

Gemeine einlegen/habern vñ zanken. Sondern
was ich desgleichen zu thun für einem Erbarn
Synodo/oder würdigen Consistorio/an denen ort
ten vnd steten / wo ich zu jeder zeit bin / anzeigen
vnd austragen. In meinem ganzen Kirchen-
ampt/mich willig vnd ehrlich verhalten. Item/
mein Weib/Kinder / vnd Gesinde/ in aller Gots
tes fürcht/zucht/ vnd Erbarkeit auffziehen / and
ern leuten zum löblichen Exempel der nachfol
ge. Vnd endlich aller leichtfertigkeit vnd vppi
gkeit/mit tanzen/spielen/schlegerey/Wehren vñ
Waffen tragen/vnd dergleichen dinge/mich ent
schlahen. Damit ich mich vnd mein Kirchenampt
in keinen verdacht vnd verachtung führe/ Dis als
les stete vnd feste zu halten / hab ich neben meis
nen Worten vnd Handschrifft / hierunter
an diese verschreibung mein Pets
schafft thun drucken. Gescheh

ben den 29. tag

Februarij /

Anno

1 5 5 4.

Gedruckt zu Eisleben/ durch Erba
num Raubisch/ in der löblichen
vnd alten Graffschafft
Mansfeld.